

УДАРНИК

14 май
1936 ар
№ 29 (256)

П-Пурга ВКП(б) Райкомлэн но Райисполкомлэн органы

(— АДРЕС: М-Пурга УАССР —)

Удмурт республикаысь Совнаркомлэн но ВКП(б) Обкомлэн бюроезлэн 7 мае 1936 арын пунктэмзы

1. Тулыс ю кизён уж'эсыз йылпум'ян, ю пöлысь жаг турынез урон но ю октонлы „отлично“ дасяськон понна но массовой физкультурной движениез паськыт вöлмытон понна, колхоз'ёсын, сельсовет'ёсын, МТС-ёсын тулыс ю киземлэсь зечлыкэ эскерон уриськон но ю октон кампанилы дасяськемез эскерон вылысь республиканской вело-пробег ортытоно.

Пробегез 18-29 май кустын ортытоно.
2. Вело-пробег ортытыны таже маршрут'ёс, дыр'ёс но рад'ёс тупатоно:

а) 18 мае район'ёсын кизёнэз йылпум'ян уриськон но ю октон кампанилы дасяськон ужпум'ёс'я велосипедист'ёсын районной слет'ёс ортыло;

б) 18 майысен 25 маёзь велопробег сельсовет'ёс кустын ортыло. 25 мае сельсовет'ёсын кизёнлэн йылпум'ян'ёсын, уриськон но ю октон кампанилы дасяськон ужпум'ёсын сельской хозяйствосы стахановец'ёслэн слет'ёсы ортыло. Со слет'ёсын велосипедист'ёслэн бригадоосы тулыс ю кизён'я но уриськыны но ю октонлы дасяськон'я колхоз'ёсыз эскеремзы сярись бригадоос иворто;

в) 26 мае сельской хозяйствосы стахановец'ёслэн районной слет'ёсы ортыло. Отын тулыс ю кизёнэз быдэстэмлы йылпум'ян, уриськонлы но ю октонлы дасяськонэз эскерон ужпум'ёс сылозы;

г) 27 мае республиканской велопробеглы старт сётиське. Отын, öжытэ вераса, 2 сюрс мурт велосипедист'ёс—колхозник'ёс, стахановец'ёс, специалист'ёс, тракторист'ёс, машинист'ёс, районной кивалтисьёс участвовать кароно луо.

Республиканской велопробеглы 5 маршрут тупатоно.

1-тй маршрут Бемыж—Иж, 195 километр.

2-тй маршрут Сюмси—Иж, 205 километр.

3-тй маршрут Пудем—Иж, 250 километр.

4-тй маршрут Понино—Иж, 215 километр.

5-тй маршрут Кулига—Иж, 195 километр.

3. Уриськон но ю октон кампанилы дасяськонэз йылпум'ян но стахановской слет'ёс ортытон понна, район'ёсы СНК-ысь но парти Обкомысь уполномоченнойёс лэзёно.

Республиканской велопробеген кивалтонэз таже составо комиссислы сетоно: ЦИК-лэн но УАССР-ысь Совнаркомлэн председателез Иванов, ЦИК-лэн секретарез Белослудцев, ВКП(б) Обком Русских, ВЛКСМ Сбком—Шибанов, Наркомзем—Березкин, ВСФК—Хохрин; район'ёсын райисполком'ёслэн председателёссылы, ВКП(б) райком'ёслэсь секретарёссыз воштысьёсы, ВЛКСМ райком'ёслэн секретарёссылы, райзоослэн заведующийёссылы но МТС-ёслэн директор'ёссылы сельсовет'ёсын—сельсовет председателёссылы но колхоз'ёсын—колхоз председателёссылы сетоно.

4. Наркомздравез, Наркомпросэз но райисполком'ёсыз велопробеглы медицинской но культурной обслуживание кылдытыны коsono.

5. Наркомвнуторглы районной центр'ёсын слет'ёс ортылон дыр'я но республиканской слет дыр'я район'ёсын но Иж городын тулыс ярмаркаос ортытыны коsono.

6. ВСФК-ез но физкультуралэсь район'ёсысь совет'ёссыз велопробеглы дасяськон улсын колхозник'ёс пöлын тренировкаос ортытонэз жегатскытэк организовать карыны коsono.

УАССР-ысь СНК-лэсь председателёз воштысь **ВОТИНЦЕВ**, ВКП(б) Обкомлэн секретарез **БЕРМАН**.

Фермаын куныя'ёс быро

„Сталино“ колхозын скал вордон ферма вань. Куныя утялтон бордын **А. Черыгова** ужа. Март толэзисен 6 куныя бырыз.

Куныя бырем понна колхозлэн председателез **Еремеев** куныя утялтысь, Черыговаез виноватэ уськытыны тырше вад. Куныя'ёс тыро таваесь. Вордскем куныя'ёсыз мумызы дорысь куасьмытэк нуллйллям. Соки соос кынымы шедйллям. Со бордысь куныя'ёс висизы, 6-эз бырыз. Куныя коргид туж пичи. Инты 1 куныялы ке соос 2-3 куныя возё. Нош Еремеев Черыговаез янгыше уськытыны тырше.

Пудо вордонлы кулэ данлык сетоно. Нош куныя быдтэм понна янгыше усисьёссы али ик ответственность улэ кысконо.

С. И.

Виль инты сайконысь стахановец'ёс

„Буденный“ колхозысь **К. П. Шукалов**, виль инты сайкон бордын 25 апрельысен ужа.

Нырысь 4 нуналскын 18 колхозник'ёс огазын указы, нормазэс öз быдэс'ялэ. Колхозник Шукалов асповназ ужаны кутскиз. Нормазэ 200-350 процентлы быдэс'я ни. Шукалов сёраз П. М. Логиновец но кыскиз. Соны 64 ар ни. Озым ке но нормазэ 150—200 процентозь быдэс'я. Ужез умой организовать карем бере 1 майысен вань колхозник'ёс нормазэс быдэс'яны кутскизы.

Колхозлэн председателез, Косолев, Шукаловец стахановец'ёс полы гоштыны „вунэтэм“. Та дырозь Шукалов адйиськытэк улйз.

Осокин.

ВКП(б) Обком—Берман, СНК—Иванов, Наркомзем—Березкин эш'ёслы, „Удмурт коммуна“ но „Ижправда“ газет'ёслы.

Валэктон но массовой ужез даськыт вöлмытыса, стахановской движениез вöлмытыса, ми вазь кизёно валэс культурамес 11 мае кизыса быдэстём. Ваньмыз 22373 га киземын. Тулыс кизёнын 148 мурт стахановец'ёсмы.

Соос пöлысь нырысез ик Кутеркутонысь Макаров Григорий культивировать каронын 3 га интые 6,7 га лэсьтылйз. Кыкетйез „Виль сэрэг“ колхозысь Игорев Петр 5 га интые 8 га усыяз. Куиньметйез „Буденный“ колхозысь Шукалов Кузьма лйял поттан нормазэ нуналлы быдэ 350 процентозь быдэс'яз. Уром совхозысь Красноперов но Чураков эш'ёс кизён нормазэс 20 интые 45 гаозь быдэс'язы.

Кыскысь но ужась кужыммес пар гырон борды кутиськом.

ВКП(б) Райком—СМИРНОВ.

Райисполком—БУШМАКИН.

Качествоя республ. инспектор—СУНЦОВ.

3-тй бригада урод кизиз

„Удмурт Коммуна“ колхозысь но кычэ мероприятиосыз уж вылын И. Козловлэн бригадаез кизёнэз лйб öз ортыты. Ог 20 процентэз тысьсы бригадын одйг газет но öз потсогыськымтэ. Чабейзы шертытэк киземын. Виль урожай бастон понна öз возмат'ялэ.

Волков.

Грызун'ёсын нюр'яськон—урожай понна нюр'яськон

Асьме бусыосамы, бакчаосамы но гуртамы уно пöртэм грызун'ёс вань (мудись шыр, арлан, комак, урдо но мукетыз). Огшоры учкыса соос трөс из'ян уг сето кадь, нош чотано ке—уно миллион пуд тысь быдто.

Со грызун'ёсыз быдтыса урожаез

йылтиськомы, тысьлэсь зечлыкэ йылтиськомы. Со кустын ик государстволы кулэ сырьё сётиськомы. Грызун'ёсыз быдтон понна пинал'ёс полысь бригадоос кылдытоно. Соослы кивалтись мöйы колхозникэз сетоно. 1 июнисен месячник кутскоз.

А. Романов.

„Каганович“ колхозын

Аксакшур сельсоветысь „Каганович“ колхозын ферма вань. Татын уж туж урод. Кысконо скал'ёс 23 йыр лыд'ясько. 1 скал нуналлы йöл 0,5—2,5 литр гинэ сөтэ. 2 производительзы вань. Соос куасьмымын.

Пудо бызылтон план уг быдэс'ясыкы. СТФ-ын но уж урод. „Каганович“ колхозын кивалтон вильдэмын. Фермалэсь но ужзэ чутрак азинтоно.

А. Сухов.

Мукет кун'ёсын

Итальянской король Абиссинилы императорен ассэ ялйз

Рим, 10. Стефани агенство тазы иворто: „Бадйым фашистской совет но министр'ёслэн советсы кык декрет кутйзы но корольлы подписать карыны сөгйзы. Нырысез декрет, Абиссинской империлэн торриториез но калыкез итальянской королевстволэн суверенигетэз улын луо, шуса юматэ. Абиссиния императорлэсь интызэ но нимзэ итальянской король аслыз но ас наследник'ёсызлы бастэ. Абиссиния, вице-король нимен генерал-губернаторен кивалтиськоз но представляться карыськоз. Талы ик Эритреясы но Сомалинысь губернатор'ёс подчинить каремын луозы. Абиссиниялэн генерал-губернаторезлы (вице-корольлы) солэн юрисдикциезлы подчинить карем территориясысь вань граждан'ёс но военной властью подчинить каремын луозы. Кыкетй декретэн маршал Бадольо Абиссиния вань

полномочиосыз вице-король нимен генерал-губернаторен назначиться карыське.

Юрениев эш Арита доры ветлйз

Токио, 11. 4 мае СССР-лэн Япониясы полпредаз Юрениев эш Арита мининдел доры ветлйз. Юрениев эш пограничной комиссиосыз но границаез юматон пумысь комиссиос кылдытон сярись вераськон'ёсын нош советской правительстволэсь ответсэ Ариталы сөтйз.

Литвинов эшлэн приемез

Женева, 11 Литвинов эш Турцилэсь мининделзэ Рюшту Арасэз но итальянской делегатэз Алоизиэз туннэ принять кариз.

Потемкин эш Поль Бонкурэн беседовать кариз.

Мойы калыкез гожтэтлы дышетонлэн мынэмез сярись

(ВКП(б) Райкомлэн пуктэмсыть)

Мойы калыкез гожтэтлы дышетон сярись ВКП(б) ЦКлэсь но СНКлэсь рещенизэс уно сельсовет'эс быдэстон понна уг сюлмасько. Райисполком но РайОНО дышетонлэсь мынэмзэ уг эскеро. Ужез азинтон понна сельсовет'эсы бригада йстоно.

Гожтэтлы дышетон ужлэсь профсоюз'эс палэнын сыло. Нюлэскысь, уката ик совхоз'эсысь профсоюз организациос та уж бордын гызмыльтыса ужало. Профсоюз член'эсыз, соослэсь семьяоссэс гожтэт тодымтэосса лэдэ басытыса, 15 майысен дышетыны кутсконо.

МТСлэн дирекциясы, Никулинлы, гожтэтлы дышетон ужез дан'ямтэзэ указать кароно. Гожтэтлы дышетонэз эскерон нуналэ Никулин мукет уж'эсыз обсудить карыны тырше вал.

Гожтэтлы дышетонлэн мынэмез сярись сведениос сэт'яны сельсовет председател'эсыз косоно.

Райисполком президиумлэн партийной частезлы киись кие вош'ясысь горд знамя кылдытыны косоно (сельсовет'эслы). Сельсовет'эслы колхоз'эс кустын кылдытоно.

Гожтэтлы дышетонлэсь мынэмзэ возматон понна пуд лэсьтоно. Сельсовет но колхоз председател'эсыз, культурмеец'эсыз но дышеткисьёсыз премировать карон понна кык сюрс манет вис'ям сярись Бушмакинлэсь ивортэмзэ санэ басытоно.

ВЛКСМ Райкомлы (Наговицинылы) гожтэтлы дышетонэз азинтон понна РайОНОлы курттат сэт'яны косоно.

ВКП(б) Райкомлэсь но Райисполкомлэсь 26 мартэ но 28 апреле пуктэмзэс Пытцам сельсоветлэн председателэз **Медведев** эш та дырозь валамтэ на. Рещениосыз уж вылын быдэстон понна нокиче ужрад кутымтэ. Ужез азинтон понна сэтэм указаниосыз быдэстыны косоно.

Мойы калыкез гожтэтлы дышетонлэн мынэмез сярись печатъ пыр возмат'яны Аристарховез косоно.

В-Монья сельсоветысь активлэн обязательствоз

Культармеецлы нимаз корка сётно. Гожтэт тодымтэосыз дышетсконзэс быдтытозь одйг культурмеец борды (группаен-группаен) юматонно. Гожтэт ожит тодысьёсыз 180 мурт 1 ноябрь азелы гожтэт умой тодысь кароно.

Дышетонэз 10 маисен, толэзлы 12 пол быдэн 4 час ортчят'яно.

Гожтэт тодымтэ но сое ожит тодысь хозяйствосыз газет выписать кароно.

Одйг культурмеец но занятвэ медез куашкаты.

Культармеец'эс кустын чопатсконэз паськыт вёлмытоно.

Обязательстволэсь быдэсимэз декадалы быдэ эскероно.

Ужез азинске

„Юж-пурга“ колхозысь **А. Сметанина** гожтэтлы дышетон бордын 3 толэзь ужа ни. Соны 21 мурт дышетоно. Нырись 15-18 мурт гинэ ветлызы. Ветлыны быгатымтэосса (пиналэнызы) оген, пинал'эс дышетыны куткисы. Сметанина соослэсь ужзэс пыр эскерылэ. Группаз арнялы 3 пол заняти, быдэн 4 час орчтат'я. Тарэ 12 мурт газет лэдэныны быгатэ ини. Гож'яны но дышо.

Сметанина сьбры мукет культурмеец'эслы но усьсконо.

Н. Н.

Стахановец'эсыз гожтэтлы дышетоно

Уром совхозын стахановец'эс 21 мурт. Гожтэт тодымтэосыз 4 мурт, нош гожтэт ожит тодысьёсыз 17 мурт лэдэсько. Та стахановец'эсыз одно ик гожтэтлы дышетоно шуса ВКП(б) Обкомлэсь но Совнаркомлэсь пуктэмзэ уже кутыны али но өз быгатэ. Директор **Лобызенко** та дырозь „планировать“ карыса улэ.

Гожтэтлы дышетон сяна группаосын сельско-хозяйственной машинаосыз но агротехникаез киултон понна но вюр'ясконо. Гожтэт тодымтэосыз, стахановец'эсыз кин дышетоно, тодмо өвд. Кизён удисысь басытэм опыт'эсыз но дышетскон удисэ пычатыса вакчи дыр кустын гожтэт тодымтэосыз гожтэтлы дышетоно. Стахановец'эс борды дышетисьёсыз юматонно.

Гожтэтлы дышетон самотекин

Кечур сельсоветын мойы калыкез гожтэтлы дышетон ас эрказ лэземын. 61 мурт гожтэт тодымтэос но 67 мурт гожтэт ожит тодысьёс полын дышетон мынымтэен колхоз председател'эс оgez но уг тодо, кинлэн көня гожтэт тодымтэосыз. „Дружный“ колхозысь председател **Кибардин** тазы вераське: „Коть кыче секыт ужын ужаны быгатом но, мб'ий калыкез гожтэтлы дышетон борды кутскон ласянь ойтод?“ Нош та колхозын гожтэт тодымтэос 17 мурт, соос ваньмыз ик егит'эс луо.

Гожтэтлы дышетонэз азинтон сярись Берман эшлэн гожтэтэз сельсовет актив полын но лэб проработать каремын.

„Кр. Май“ колхозлэн председателэз **К. Михайлов** Шочев культурмеецез конюхе пуктыз. Тйни со-

ин сарен мойы калыкез дышетон кык толэзлэсь кема дугдыса улэ ни. Шочев дышетыны дышеткисьёс борд газет но поттыны кутскемы вал ни. Дышеткисьёслэн мылкыдзы жутскемы вал.

Сельсоветысь колхоз'эс али но учебник'эс өз басытэ на. Та урод мылкыдэз кустыса одно ик мойы калыкез гожтэтлы дышетон борды чик жөгатак кутскемын луыны кулэ. Шочев культурмеецез али ик азьло ужаз кароно. Умой гожтэт тодысь культурмеец'эсыз вис'яса толэзлы 12 заняти орчтыно понна одно ик большевико кужмын кутсконо. Кажной заняти 4 часлэсь кулэсэн медез лу.

А.

Сюрес лэсьтэн месячник ортчытон сярись

Райисполком президиумлэн но ВКП(б) Райкомлэн пуктэмзы

11 май 1936 ар.

Шоссейной но грунтовой сюрес лэсьтэн, озы ик соосыз тупатон но умой утылтон уже, гужем кустын, гурт калыкез, умой, уже шонер кутон понна Райисполкомлэн президиумез но ВКП(б) Райком пукто:

15 майысен 15 июнезь сюрес лэсьтэн месячник ортчытоно.

Месячник кустын сюрес лэсьтонэз быдэстоно.

Ужась кужым сётон планэз, (сельсовет'эс'я но колхоз'эс'я) юматонно.

Колхоз'эс сюрес лэсьтэн бордын ужась бригада кылдытыса ужанэз умоентес лэдэ'яно. Со бригадаос быдэсак колхоз понна ужалозы.

УАССРысь Совнаркомлэн 29 феврале пуктэмез'я сюрес лэсьтонэз быдэстон понна колхоз председател'эс воштисьёс вылэ ответственность пононо. Кытын воштисьёсыз өвд ке, председател'эс вылэ.

Колхоз но сельсовет председател'эсыз кык нунал кустын сюрес лэсьтись бригадаос кылдытыны косоно. Колхоз'эсысь сюрес лэсьтэн борды ужась бригадаосы бригадире правлени член'эсыз кутонно, азе кылем арын сюрес бордын ужам ударник'эсыз.

Сюрес лэсьтонлэсь аналткисьёслэсь, колхоз'эслэсь но единоличник'эслэсь кылем ар понна, 11 номеро 88 ст. 1936 арын, поттэм закон'я Вахрушевез (суд) тырымтэ коньдонзэс взыскать карыны косоно.

Кылем ар'эс'я уно ужась люкаскон дыр'я, Районо Ермилов эшез, ВЛКСМ Райком Ермяков эшез, культурно-массовой уж нуны косоно. Конкретной план тупатыса сюрес лэсьтэн ужез нуон люкетлы сётонно.

Штаб'эсыз (институт'эсыз) быдтоно. Колхоз'эсыз но единоличник'эсыз сюрес лэсьтэн уже кысконлэсь шонерэз эскерыны Бушмакин но но сельсовет председател'эслы сётонно. СССРысь СНКлэн, 3 мартэ 36 арын, пуктэмез'я 1-тй ст. районной но гурт сюрес лэсьтэн но сое умой утылтон понна соос, Райисполкомлэн но сельсовет'эслэн председател'эсы, ответственность нуо шуса, тодазы уськытоно.

Буран но В-Монья сельпоослы (Антропов, Гущин) сюрес лэсьтэн участок'эслы, месячник вакытлы, ларёв'эс усьтыны косоно.

Месячниклэн мынэмез сярись районной но республиканской печатъ пыр гож'яны Аристарховез косоно.

Гавриловлы (почта) сюрес лэсьтэн участок'эслы газет но журнал'эс сэт'яны косоно.

Райисполкомлэн председателэз — **Бушмакин.**

ВКП(б) Райкомлэн секретарез — **Н. Иванов**

Водопьянов но Махоткин эш'эс жоген Москвае потозы

Тихой бухтаын условиос Водопьянов но Махоткин эш'эслы Москвае лобзыны люкетызы, Бухтамысь йб нуэмын, аэродром куашкатымын.

9 мае 9 час но 30 минутэ Водопьянов но Махоткин Тихой Бухтамысь жуткыса Желание мыс пала лобзызы. Час чоже лобзыса Водопьяновлэн самолетэзлэн моторез дугдылыса ужаны кутскемысь, Водопьянов Тихой бухтае берытскыз. Со бёрсы Махоткин эш но лобзын. Водопьянов муз'ем вылэ умой лэзь-куасэз йб борды йоткыса, куас'эс,

стойка но винт тйаськызы.

Севморпутьлэн Главной управлени ТАСС сотрудины тазы ивортыз: куазь умой луиз ке, Водопьянов Тихой бухтамысь Москвае лобзоз. Махоткин земля Франц Иосифлэн муз'ем вылаз ик кыле на. Соны мукет самолет сэтэмын луоз. Махоткин архипедлаглэсь остров'эссэ эскерыны задание басытыз. Тйаськем самолетэз тупатыны запасной частьёс уг тырмо. Гужем машинаез пароход вылын нуыса, тупатозы но самолет нош лобаны ярамон луоз.

Историен тулыс испытание сярись

РСФСР-ысь Наркомпрослэн Бубнов эшлэн приказез'я историен тулыс испытаниос та арын 7 но 10 класс'эсын гинэ луозы.

7 класс'эсын шор лаур'эслэн (век'эслэн) историенызы курс'я испытаниос луозы. 10 класс'эсын—Великой Октябрьской пролетарской революциен куткыса, СССР-лэн историеныз луоз. 5.6 8.9 класс'эсын дышеткисьёслы ар понна оценкаос, ар чоже басытылэм отметкаос'я лэсьтэмын луыны кулэ.

Лапкаын буш жажыос

Гожня сельсоветын ларек вань. Отын нокиче кулэ вуз өвд.

Ильинск сельполы та ужез али ик тупатонно. Колхозник пбсь ужан дыр'я 1 кг. сахар но коробка спичка понна 10 километр медез ветлы.

Рудактор **П. А. АРИСТАРХОВ.** Поттись Райисполком